

青草堂三集

補



青草堂三集卷七目錄

賦

反恨賦

秋柳賦 并序

奉命祭東嶽賦 謹序

青草堂三集

卷七 目錄

一



靑草堂三集卷七

豐潤 趙國華 著

反恨賦

天地好生聖賢無辱恨何自來願不之足試平其心奚
歎於欲豺狼幾當夫道荆棘何生於陸死或萬吉而一
凶生亦百歌而一哭是故言愁而工殆非人福苟踏踞
爲常態豈宇宙是怨府也郅治之世主明相良氓老稚
席吏無桁楊工搜石而得玉虞獵鼠而中麀女早嫁而
遇其淑士一舉而魁其行仕者九遷無微薄之譴壽者
靑草堂三集 卷七

卷七

一

終身無期麻之喪又則國多善人家蕃子孫百穀應節
時花媚春邊無烽燧之警野鮮疵癘之民井足以衛旱
酒足以召鄰聲名父子之貴顯姓望世代之婚姻其在
文人喜羣遊士選勝尋山腰健泛舟風正種樹必活穿
林有徑知心無山水之阻同氣有芥鍼之應著作流於
遐邇薄俗憚其高勁決千秋於目下儼初禪而得定更
有磊落向人慷慨自許仲連解紛道安完女躬耕遇求
售劍獲侶秋渡河而結冰夜斫賊而如雨以纓繫降譬
虎生羽蓋斯人一出而大難之平自此始矣不然則轉

憂成悅垂險而嘉縮地藉費補天類媧帆危竟渡木剪
仍芽爨琴退火埋金出沙窮子坎兒而見藏疲人繭趾
而登車卑不老於擊析貧不終於浣紗棄婦復合擯文
入誇耄儒舉第單門弄娃圍軍脫兔疑杯釋蛇大獄殊
赦沈疴丹砂萬里之逐臣再起多年之迷子還家

秋柳賦并序

同治三年七月時正秋賦余居濟南一日憇水亭見垂柳顧謂友人此葉始微黃乍染秋色者也旁有人曰誰便讀秋柳詩余訝而進之則老諸生青州王姓不舉名叩以詩論者再徐曰君省梁武爲沈家令罷酒乎余謝不博乃爲余言

順治丁酉秋新城王阮亭弭轡稷門召儔北渚筍將偕至玉觴旣舉明瀾初澄側腰乍舞彼何人斯掩抑娟楚悵隋隄之夕陽怨吳娘之暮雨一彈再彈欲語不語客

青草堂三集

卷七

三

有孫郎者益都相國子也凝焉憑睽惘然斷腸莫他日兮相見翳何年兮故鄉久之曰是矣沂山之陰少海之陽翠悤複殿鴛鴦畫廊長史李杜下陳媛嬙輒河漢之向曙紛絲竹之未央今離離兮禾黍昔雕雕兮苑墻今依依兮廣陌昔嫋嫋兮洞房今濯濯兮落絮昔亭亭兮額黃嗟若人之妙年見前朝之故王座中潛啟之曰故衡藩宮人也家本江南身經滄海旖旎隔乎三春搖落逾乎十載睇含青而如昨顏薄紅而猶在天下之難爲情者如何其可解矣於是歛歔相戒閉祕勿宣阮亭起

立徘徊黯然不禁託物而寄意援筆以授篇指亭下之
楊柳攬秋光於目前儼近人之綽約愈飄零之可憐采
復采兮流水寥復寥兮遠天伊見謝於歲時曾不關乎
棄捐四什欵成雙管齊逐白下非虛瑯琊有屬殿裏宮
中青荷黃竹憶舊事於公孫問風流於杖叔雲門則一
郡皆青夕照則四松猶綠夫是以貴紙相傳銜碑能讀
傾大江而南北和千章而未足

青草堂三集

卷七

四

奉

命祭東嶽賦

謹序

恭考通禮東嶽之祭

國家有大

慶典由禮部疏請遣官其每歲常祀

降香齋至由巡撫疏請

欽遣守土官一人往光緒十七年春臣曜巡軍海上臣

福潤留會垣臣國華奉

旨謁祭四月十八日禮成甚盛典也伏維常祀主爲民

青草堂三集

卷七

五

祈福而臣國華時職提刑主除惡匪惟霞宮日

觀未得夸飾景物卽大房鈞天所爲祈豐而降

康者亦闕而弗紀承祭者之志也賦曰

東方之字民依是主旣應星於奎婁遂作鎮於齊魯昔

封高而禪厚今視公而作輔歲祀有常司事以舉小臣

肅將翼翼就列壹斯忱之所至非所營而勿設載戒儀

而稽典如瞻

天而向

闕儼稟命之有神宛齋心而得謁洞如屬如將弗勝如

靈愈靜而愈滿禮愈縟而愈舒敢必受於其福惟職思
於其居念一方之司讞邈千里乎海隅失情則孽已作
留獄則民亦荼伊緩急之皆非矧喜怒之有殊黨勢力
而不問夷弱愿以爲愚受屬託之如響容善僞於一途
以模稜爲功德事紊錯而紛蕪舍律令而不用充私言
於公廬官轉徙以爲利直更代而吹噓態百出而莫窮
事一致而忘汗罪乞請而可貸死無故而忽蘇潰公錢
於窵穴豢盈路之麤狐召貨緣之四至聚游手而不驅
長風氣之狙詐壞人生之廉隅醜剛明以爲攻詆條理
以爲拘行難繼以市美貌不害以買譽右編人而導健
縱爪牙而擾閭戶雞豚而不安賊介胃而倚符習長強
而抑法突深忌而偏枯伐無援以示威殘所憎以自娛
至咎同而罰異或此坐而彼虛乖

朝廷之大禁蠹煌煌之

政書有一從兮於此必神明之所誅蓋深念乎祭之言
察此則寸衷之區區者也若夫昇陽照寓澄彝拂俎鬱

鬱

宮闕之雲颯颯崇朝之雨涉柴望之

鉅典非臣僕所得數而

天澤之下垂凡陳壁而千呂所以爲民請命者自昔而
然無待於語

青草堂三集

卷七

七

然無待於語

大觀之季每凡刺豎而千呂所以爲民請命者自昔而
然無待於語

靑草堂三集卷八目錄

駢文

謝署山東按察使疏

為陳中丞謝頌

穆宗聖訓疏

為陳中丞謝免處分疏

為張中丞謝幫辦海軍疏

靑草堂三集

卷八



為陳中丞謝幫辦海軍疏

為陳中丞謝免處分疏

為陳中丞謝頌

穆宗聖訓疏

謝署山東按察使疏

駢文

靑草堂三集卷八目錄

靑草堂三集卷八

豐潤 趙國華 著

謝署山東按察使疏

奏爲恭報微臣接署臬篆日期叩謝

天恩仰祈

聖鑒事竊臣接奉山東巡撫臣張曜行知按察使曹秉

哲因病出缺所遺篆務奏委臣署理光緒十七年正月

初六日據按察司經歷余嘉珍將臬司印信文卷齎送

前來當卽恭設香案望

靑草堂三集

卷八

二

關叩頭謝

恩祇領任事伏念臣畿東下土山左備員由牧令而注

選治中更丞倅而旋階守郡監司倖進未改寒微道篆

曾權莫呈寸效茲值法曹待攝獲邀臬事時陳念齊嬰

之識省刑釋魯頌之言淑問仔肩逾分拊悃知難惟有

時稟撫臣恪遵定律官無久暫執法敢存卸責之心獄

泯重輕奉公勉矢竭誠之報所有微臣接署臬篆日期

暨感激下忱謹恭摺叩謝

天恩伏乞

皇上聖鑒訓示現在封印期內遵例開用仍敬謹封固
合併聲明謹

奏

青草堂三集

卷八

二



日持靈應顯

皇上聖鑒訓示現在封印期內遵例開用仍敬謹封固

爲陳中丞謝領

穆宗聖訓疏

奏爲恭謝

天恩仰祈

聖鑒事竊臣差弁到京由

武英殿頒到

恩賞

穆宗毅皇帝聖訓全書一百六十卷業已敬謹賚回臣當

卽恭設香案望

青草堂三集

卷八

三

闕叩頭祇領伏念虞書著典籀文但詔於上庠周紀編年柱下僅傳之內史是以大方小策祕如玉冊金泥不入石渠莫窺丹籙茲者

宮簾垂訓集億萬年昭示之規

翻展承

先溯十三載

平成之業旣

尊藏以貽之永世復

眷賚以逮於庶官矇昧如臣

寵頒亦預跪承

寶貺如覩

廟謨宵旰之年仰戴

編摩聿欽

聖主觀揚之美惟有虔循職守力戒愆忘北拱

天門幸識

球圖於兩序東臨日觀勝披函檢於千秋所有微臣感

激下忱理合恭摺叩謝

天恩伏乞

靑草堂三集

卷八

四

皇太后

皇上聖鑒謹

奏

爲陳中丞謝免處分疏

奏爲恭謝

天恩寬免處分仰祈

聖鑒事竊臣准吏部咨光緒十年十月十一日奉

上諭本年恭逢

慈禧端佑康頤昭豫莊誠皇太后五旬萬壽普天同慶所

有王公及京外文武官員現在議降議罰及以前有革

職留任及降級罰俸之案著加恩悉予寬免欽此恭錄

通行到臣欽遵辦理伏念臣前因辦理河工自干咎戾

青草堂三集

卷八

五

蒙

恩未卽停廢僅予革留逾格

生成方深叨戴民服視事尙自贖之未能除律到門遽

宸章之下宥值

聖母萬年之慶荷

天顏再霽之光普渥

絲綸獲還鞶帶軒轅誌喜會逢紉纓於

九重寬大幸邀愈勵涓埃於萬一所有微臣感激下忱

謹恭摺叩謝

天恩伏祈

皇太后

皇上聖鑒謹

奏

靑草堂三集

卷八

六



奏

奏

奏

爲張中丞謝幫辦海軍疏

奏爲恭謝

天恩仰祈

聖鑒事竊臣於光緒十四年五月 日准軍機大臣字

寄欽奉

慈禧端佑康頤昭豫莊誠皇太后懿旨山東巡撫張曜著

幫辦海軍事務欽此跪聆之下感悚莫名當卽恭設香

案望

闕叩頭伏念

臣濫廁封疆時深兢惕茲以海防之重復

靑草堂三集

卷八

七

邀

天命之申

恩眷攸加寸衷彌懼欽維

皇太后

皇上德侔覆幬

教訖梯航值揆文偃武之交塵有備無虞之誠固已陸

讐水慄霞蔚天晴而萬國來賓自陳玉帛九邊設險宜

樹藩籬在在皆屬要區處處須嚴保障至東省爲畿南

之脣齒扼洋北之咽喉管夷吾懷遠招攜相傳舊蹟戚

繼光練兵紀效具有新書欲期遐邇以同風必切綢繆
於未雨臣惟有無忘軍旅殫盡血誠隨同王大臣止秉
宸謨下勤職分

金函開

詔不勝鼓鼙將帥之思環海來王用彰

中國

聖人之義所有微臣感激下忱理合恭摺具陳伏乞

皇太后

皇上聖鑒謹

靑草堂三集

卷八

奏

八

靑草堂三集卷九目錄

駢文

王夢湘詩序

上文漕帥啟

上周漕帥啟

爲任中丞答升參贊啟

爲任中丞答吳軍門啟

爲任中丞答張觀察啟

謝張觀察寄蜜棗版墨啟

靑草堂三集

卷九 目錄

謝劉子厚惠酒啟

答傅子蒨啟

答張野秋啟

王廉訪六十序

張尙書六十序

任太夫人八十序

吉太夫人八十序

青草堂三集卷九

豐潤 趙國華 著

王夢湘詩序

紅蕉入夢還山撩湘女之絲綠蠟成煙結燭擁幽人之
幌故園昆季晏歲山茶何處夫君夕陽斑竹蹇驢既久
鴻雁不來恤凍雀之高棲怨草蟲之獨語朱門燕子誰
識王孫白恰烏巾空懷帝里縱使彈琴聲老脩禊文成
亦只送日如年抱雲興宿遇原嘗爲食客祕顧及於前
修儕東海之鷗射南山之虎長吟蒼狗別源裏之漁人

青草堂三集

卷九

一

一笑青駝託車中之新婦公卿先誤傭保安知雖然低
首雕蟲魚龍生死裏頭立馬屠販侯王旣羞充隱於終
南況屑英雄於塞北且復哀時作客夢兩傷春三面青
山橫吹鐵笛五更斜月醉看吳鉤調水面之輕箏鬪馬
頭之芳草雙笙綠髻都門把蟹之游萬頃紅霞灩水歸
鴉之曲三戰三北一柱一弦不雨不風無山無友潘令
則少年息影右軍以故宅相招鬱驚天泣鬼之思煩襟
渴舊徇煮字買文之請孤劍依人有不紅豆新霜碧蘿
織月美人騎鳳目窮楊柳青邊上苑聽鶯腸斷櫻桃斜

處矧也池塘春草立盡東風高閣寒松情遙北斗才多
於鯽悲枳棘之蛙蠅山亂向人弔梧楸之羊馬黃泉故
侶碧雨初禪孤磬蕭蕭殘碑轟轟塔前聽講齊竽增人
世之愁木落登樓楚客引天涯之感夫是以尋春一騎
緬葛相而吟成過雨雙禽盪蘭舟而思起也嗟嗟八荒
跨鶴子晉何人五夜聞雞祖生長往金貂滿眼誰澆白
社之尊乳燕並頭亦盡藍田之土僕來雖暮吾道猶存
過酒國而相營悵香車之何許悶尋駒卒紅牙善狂聞
約漁舟素心未晚新交如我惺惺竊文苑之餘短序贈

靑草堂三集

卷九

君字字出武陵之集

上文漕帥啟

竊國華別榻叨塵久濫橫經之羔雁政經重習敢云識
路之驂騮伏維制軍位備封圻猷兼將帥作八州之督
民望攸歸迓

九陞之綸

天顏有喜更崇令聞益被眷圖踴躍相瞻豈止私臆國
華十年前尹五載新游畫舫淮南家誦臨窗之記濯纓
亭北人驚揖客之居泊乎綏裝於紅杏江頭發篋在紫
藤花下仙霓秋賦來爲公子之裳湛露春明藉謁天官
青草堂三集卷九

三

之選新銜忽改例須息駕於

陪都舊學何功未便終饗於講席顧郎君之鸚鵡大用
纏綿換昔日之魚龍遂藏科目漢時司馬已入先貲海
上孤鴻聊尋故爪識高門之戟往矣陳遊吹末座之筭
渺焉獨響歲月正遠關山已遙望門閭其可懷念高岡
而思陟讀書本計頗知非爲乎身家攬轡中年轉復自
翹其車乘迢迢前路迴在雲霄汨汨流光內關時命惟
有沈吟晷漏拂拭囊琴尙聞故舍留陰爲喜遷喬之鳥
誰謂當年下筆眞成食葉之蠶繡待於絲曹聞似水采

七橋之蓮子私抱苦心卷千葉之芭蕉不愁甘雨徘徊
時序地遷雲天伏頌助釐無似珍重

青草堂三集

卷九



上周漕帥啟

竊國華揚眉盈尺依依經座右之年垂手行塵戀戀滿
淮南之路山川漸遠旌旆成思伏維制軍躬擁八騶心
平六燕至誠強恕攀轅則萬口一詞賜假授遷

溫旨則

九重再錫而且寬小雅來朝之請

天鑒臣勞輯中邦納總之圭食爲政本吾知耆舊以溫
公最少更不計到抽簪廣陵倚太傅爲安方且踵爲築
隸則起平章於轉運此座會待公耳況問使者於揚州

靑草堂三集

卷九

五

太后知之久哉國華濫竽厯下脫穎囊中不有垂靑誰置
謝歐之傳敢言結綠幸登萍卜之門因獲題輿遂仍預
宴飲珠泉之水滴滴思源夢漂母之祠迢迢識路江干
畫戟惟舊禽能記巢痕阪路鹽車儻此馬不終轅下伏
頌勛履無任悃情

爲任中丞答升參贊啟

竹珊贊帥閣下籌邊驛遠遙恢赤甸於三洲卓筆書來
如見紅旌於萬里敬維龍韜偉略麟閣高勳文武兼資
冠劍樹長城之望河山受界
璽書定蕃落之盟畫地成圖自

天有喜

綸麻卽賁帛竹攸孳僕謬領東封跂瞻西極承示去冬一
除夕星騎已抵伊疆與俄官接晤會定交收事宜目下
條理分明卽往手親標識足見盡籌碩畫有以振

青草堂三集

卷九

六

國威於域外而維邊事於久安遠道遙馳先聞增快何
止田歸謹鄆珠槃釋彼族之疑從茲圍固金湯銅柱有
將軍之壘霞天極目延想爲勞

爲任中丞答吳軍門啟

篠軒軍門麾下層霞出曙采雲麗晴顧慕佳辰捧受芳
札遙諭銅兵曠握牙幢靜塵歲校甫終李抱眞之習射
朝甃運遠陶士行之在軍建鼓旣高焚香自美僕託軍
容於外壁得論耕桑聆風旨於咫尺書輒開襟臆不勝嚮
往敬頌明勛未盡之言附祈聽覽

青草堂三集

卷九

七

爲任中丞答張觀察啟

樵野觀察臺下自挹光塵投若夙契旣借箸於幕畫更
含茹於政經識蓋羣賢才擅衆有易躋獲玉裨贊滋多
過幸意氣之合方恃襟期之密顧英鋒上舉奇略旁徹
國家用之惟恐不急

簡在攸寄人才有歸致我城隅整君旄仗石樓水渡無
由而留歐陽玉帶珮刀又非以贈文瓘是以維之朝夕
少伸鸚鵡之尊不盡低昂自瀉蟾蜍之水一別成遠不
言正深乃者雲駟戒行尺鯉過至情詞臻美不陋樗薄

青草堂三集

卷九

八

旣感垂露復念疎星雖有後期難爲今此所望宣昭偉
抱匡濟

清時恢召郇之風掩吉甫之雅譯樓戍闔揚光發暉高
階勁風上接霄漢拜彤弓之三什進釐圭之一卣北樓
峭青之地芾陰舊茂南海瑤碧之光耿照九野則雖眷
在契闊竊當私審重輕矣日者岱圻仍昔幄籌猶在時
鳥報節緬翥鳳之南飛霏雪宜年結綺霞於北渚興言
同志彌覺逾時仰願勛宜無似嚮往

謝張觀察寄蜜棗版墨啟

蓋聞史傳龍門紀安邑之千樹品高易水美庭珪之雙
脊顧安期莫遇誰見如瓜后山談在徒聞具鬣乃者使
至蒙寄蜜棗四合版墨十六本細腰之質如脫蜂房大
膠之法還存麝腦膏溢嶠嶮之席光動琉璃之牀老母
解顏剝婆羅而學服穉子前跽引瓦池而驟吮山妻齒
赭小婦眉青舉室權集聞者生妒匪直除其荆棘滌長
史之胸研以珍珠草軍諮之檄而已念吾家之令公婆
娒慚賚方漢官之丞僕隍廩知感敬啟

靑草堂三集

卷九

九

謝劉子厚惠酒啟

稷門痕在未滅杭襟扮社情親如沾鄉味分醴泉於范
寺移春釀於陶家對使開罌焚香讀札黃壚誼古慕前
賢頌德之詞紅杏芬來祝公子題名之宴敬啟

青草堂三集

卷九

十

答傅子純啟

接席一顏移晷八載之子有斐疲我於神積忱不輸清
寐誰語迺者坐辱手札投慰心期垂賚社詩更及坊巷
竊以津梁後秀宏獎人倫此近日之所希而高明之所
樂獨是下走闡中擬作猥叨省錄不文之豹方自愧於
一斑附尾之蠅乃得託以千里眎睽見許美貺非恆側
念風猷載詹令望以兵車牧師之使縮水衡掌幣之官
駕庫兼領賢推一時斗魁六星文動四遠且復飢渴說
士術業求朋見一善而目明出片言而脛走餘光斗水
青草堂三集 卷九 十一

人以爲榮國華宦無異稱才不曠俗涼風時雨坐隔
丹青賸岳遺匏偶經珊瑚有不紉蘭佩德刻楮相思者
哉感激纏綿無以爲報倦遊傷別莫伸杖杜之懷雜述
私編嘗有棗梨之愧途人竊笑納者墮觀惟已荷前叨
自忘後忝醫門涉足爲倉公之所收土鼓再鳴儻文侯
之不卧益希鑑鑄敢布情誠伏候膺遷無任嚮往

答張野秋啟

溽雨送遠晨星迴稀知己之別渺難爲懷征夫之歸沉
爾徒踊比里樹在望伊蒿失聲危演擣心痛豈可想遺
字盈几鄭述祖之見銘單衣對牀王阿戎之立骨久爲
懸怛難諸訊言秋霜漸零江路向晚濡阻消息疲勞晦
明凍窗上冰尺素至夕種蒜攀柏淒然如見戒門罷饌
儼與相語似讀騷經蘅芷之賦彌增歲莫松筠之情顧
睠天隅儕輩無幾世事有孔棘之感之子罹家戚之憂
自君去東汎流益北河伯旣駕民生已魚彼詠四咨亦
青草堂三集

卷九

七

窮三策緣馬頰以爲壑批龍鱗而向天清議旣非同室
相抵知難而退藉默成言始合議於長堤復倒持其本
說今則大府獨舉全工未半持畚再起須及來春耳瘡
瘡滿前

天膏疊下司農之粟自南自東水衡之錢吾老吾幼賤
子旣逢大役亦預監門具有人心能無鞅掌中宵達旦
長夏徂冬積涕淚於文書給指揮於長吏纖毫無補敢
謂劬勞貴賤同情應分恐懼又况蛇龍未已鯨蜃尙驚
將軍有海上之行司馬下師中之檄諒維荃抱早有先

聞便使言歸因傾近憐雪衣易悴強護爲勞

畫草堂二集

卷九

三



王廉訪六十序

瓊筵玉笋值神仙
讌集之場露冕雲璈識鐘鼎
崢嶸之氣溯其宗牒代迓

天庥以夔虎之門楣衍鴛鴦之福祿
南山地近恰盈周甲之年東海籌高共續生申之什矧夫攬環結佩蔭術連衢親瞻英蕩之勛勞日接畫函之左右者哉維我春亭先生世稱積善人守

賜書良冶良弓有鑑基於天下且作且述寢昌熾夫家聲既習式穀之教言并受折夔之禮法讀書甚解早張

靑草堂三集

卷九

七

童子之軍作器能銘迭荷鉅公之賞維時益陽出守講席求師賓賡鹿野之嘉望嫔鳳岡之峻旣而南宮入額東觀抽毫伏繡虎於詞垣揖彥龍於仙掖其人如玉宜翔

三殿之華擲地成金乃兆千軍之掃乞

恩假沐萬里吹笙紆難登陴一朝伐鼓解嚴鄉堡映孔

翠於冰銜

注績樞曹累汗靑於譯署於是名題

芝綽路指筠山當羣梟未殄之時值五馬初來之會以

劍率卒執戈前驅井里之聚無驚雷霆之應如響爲百萬之軍息其毛羽使四游之士安我誦弦此尤五載臨江萬人臥轍者矣迨夫旣滋孝筭再湧忠泉三山本海上之峯四握受腰閒之印俗清盜數人拋朱亥之槌地靖鹽池家佩桓寬之鐵且也陰深棠芟惠盜蒲鞭司空之鼓在郊太史之河如鏡烏臺舊價曾儲喉舌於

中朝鷹斧新聲更寄股肱之重任汝陳臬事已邀五聽之兼

帝命蕃宣行見一卣之鬯豈止臺躋五郡能有造於齊

青草堂三集

卷九

十五

州爭知履近三霄不更榮於潞國乎茲者節過修禊會值懸弧啟青箱禮樂之堂問絳縣春秋之紀槐三株而再見望蔚公卿桃千歲而一開人來曼倩又況金貂繞座蠟鳳飛空譜周南葛藟之詩捧

天上芙蓉之

誥如岡陵如松柏宜君侯宜子孫移早年列炬之遵照今日盈牀之笏揆余皇覽請起編壽者之年假我陽春試共進翰林之酒

張尙書六十序

天門開闢當

堯祚之十六年地軸闕清播箕疇之九五福筵宴徧沾於千叟岳瀆矧視乎三公所由祝嘏

北宸嵩呼令巨量籌東海波及臣家不有

明良一德之徵奚彰際遇千秋之美惟我亮臣先生卿雲炳宙長虹麗霄衍貂冠七葉之聲肇烏戟三枝之望科名累牒綺歲通經翦起扶輪中原在抱嘉貞議事初起平鄉仁愿受降盡威汝洛別部之從車騎誓掃巾渠
青草堂三集 卷九 六
刺史之乘單車已清州寇堪能爲政弗廢耕桑詠不敢辭遂當方面始則

顯廟宵衣之日恃爲南顧之藩籬繼乃

穆宗階羽之年更授西征之斧鉞時也從登虎圈甫罷勤王遙識龍泉直前受更火山之國瀚海之鄉木甲氊裘千羣萬計羌豪上馬燉煌等在廐之羊大宛跪樽博望飲窮源之酒屯芻絕戎建隼天山布橫落於大荒擴職方所未有葳蕤勛伐照灼簡書中興歌孝友之詩舉國望范陽之貌

聖人嗣服內史疇庸比本立之來朝宰相共榻恍富平
之入衛尙書就封周官掌固之司京兆稀枹之地聲赫
人耳名簡

帝心錫山川土田大啟爾宇作舟楫霖雨惟暨乃僚銓
綜庶官紀綱百度威而不猛明弗詡於秋毫休焉有容
愛有同於冬晷蒼生之活億萬戶鴻澤無傲黃河之清
一千年龍門迭合而且主衡武苑宋橫渠之談兵散采
文昌晉左丞之知舉卿惟月而尹惟日冠珥重光入則
保而出則師儲宮三少蜃氣避中流之柱海鏡斯清龍
靑草堂三集 卷九
七
驥標不朽之名

國音用錫本文百世藏鐵券於昆初君子萬年匹畢羅
之福祿今者節踰賜橘慶值懸弧中條之巾笥未遙太
傅之丹經并集鳴珂繞膝染柘橫肩正不徒軒轅六星
推原列宿德清一老附會桓侯已也某等誼託蒼岑望
殷柱石共識庚寅初度熊璋鐫眉壽之文卽覘甲乙論
功燕喜集躬桓之瑞

任太夫人八十序

赤芝一朵人閒高天姥之峯丹桂千秋月裏識長生之樹坤儀旣偉頤祉攸開自昔而然在今何讓而況萬家生佛膝繞螭符八座中閨躬膺

鸞誥吹鳳凰之六琯聲澈星辰鑄龍雀之雙環形聯母子晉七齡爲九表集四世於一堂如我任母王太夫人載福淵閔垂床懿茂推原所自可得而言當夫婺宿分暉瑯琊毓秀仁心獨蘊溫恭實出於天成卷髮爲儀綢直不煩於姆教考禮協珩璜之度歌詩嫺筐篋之誠聿青草堂三集

卷九

七

著令暉來歸望胄風流江左登龍輻輳之家雲爛鉤膺乘馬旂章之路則贈光祿公祥開琪樹

恩渥瓊林鏘鸞揚簞篋之聲繡豸煥山河之色溫公早貴簪記花梢賀監乞歸案齊林下蘆簾紙閣高情發七字之吟槐穗前庭後起識三公之兆維時太夫人左紛右管女楊男璋絲粲則婢媪知恩賓祭則簋籩有敬迄乎中途脫珥獨力持門雖未煩徙宅之勤亦自喻和丸之苦我鞠我育勞勞成立之思人母人師亶亶教忠之範絮羹必叱程明道是用儒宗聽客何言張密學因知

政事此我筱沅中丞所以愈光弓冶益大門閤衍機杼
之徽展經綸之志歐陽畫荻陣掃千軍禹貢惟琨英騰
三殿

御題親捧見垂衣

先帝之年宵雅論官是發軔名臣之始雙鳧入履葉尙書
之詣臺五馬隨旌漢司空之出守喉舌抗

中朝之采股肱爲外事之陳是憲南邦遂藩

北闕

天子乃垂塵海岱俾總封疆以房謀杜斷之才受姬鳥

青草堂三集

卷九

九

姜瓖之地沐日浴月礪山帶河旣歷六野而沖霄更肇
兼圻而受鉞

龍光湛露鵬渤竟天孰非太夫人聖善有基泮幪無外
之所致哉茲者歲德在午值太史之書雲人瑞生申識
貞君之維嶽合百七州邑而共蔭紫氣東來荷

九重絲綉以崇褒

丹書北下如松如柏如山阜岡陵宜民宜人宜大夫庶

士萊子舞斑衣之彩桐孫分華黍之甘顧笏盈牀開筵
列鼎某等登堂公瑾祝嘏魯僖託桑梓於長江平分慈

訓聞木樨於上界共挹天香遠期晉國之百齡親見巖
家之萬石

五朝全盛逾絳縣老人紀甲之期三祝同音愧黃絹幼婦
受辛之句

青草堂三集

卷九

五

吉太夫人八十序

衛詩五馬正驕駟開道之期漢洗雙魚值龍雀交環之會時則

九天綸綉光映松筠八座笙簧音流華黍陝右是召公之治古詠蘋蘩膠東自內史在官今尤忠孝而況慈顏八十不數馮勤封賜再三有同晉國子孫其逢吉縉紳以爲榮如我吉母王太夫人勵節教忠曼齡錫嘏能不聞聲謹躍識德鏗鏘藉迎三鳥之來齊作萬鳩之祝溯自性嫻姆教訓秉儒閨闈紀有聞太史龍門之地家箴青草堂三集

卷九

三

能誦右丞鹿苑之祠迨歸資政公達五先生也載路鸞旂相莊鴻廡以徽柔之範當姓望之門星爛雲祁公懽嫗悅小雅慰心之什令德來教彼都卷髮之儀其容不改維時資政公名騫鄉校譽重人師諸昆騰花萼之輝伯子預

瓊林之宴仲中叔淑旣誼篤乎雍和郝法鍾儀亦交相爲親重是以太夫人無違夫子善遇尊嫜引子季之克恭處家人而必讓有無不問筦鑰能還勞苦均資紡輶弗懈嘉賓八簋執諸生習禮之筵宗牖終宵申明發有

齋之敬亦既內言在閨婦誠行庭已且夫宜室家而無
閒者異順之常經也歷榮悴而不驚者坤貞之大義也
蓋自資政公楹書方滿梁案中摧遺膝下之三珠霜高
葉小解囊中之半菽汲輟畦乾陶士行數斫屋薪趙武
孟幾求遊獵而太夫人捋茶自手畫荻爲心操篋帚於
饑年擁絢絲於厲夕謂可三冬不被絮不可一日不讀
書悠悠我思耿耿不寐夢餘伏枕誰知文雀之牀掌上
何錢但市公羊之餅然猶小姑山側不忘安節同根猶
子叢中尙翼羅含一鳥孝由天性感動人倫往往攜少
青草堂三集 卷九 三

小之兒省期頤之母施巾蔽面依然幽俗微行奉盥從
心如見周經內則所謂徽流七族節貫四時者非與此
卽門閭永日自娛返哺之春秋吾知荆布高風必不嬰
心於富貴然而諉暉旣耀蔗境斯甘海萬斛而盈籌向
歸慈姥雲五光而捧

詰凡爲貞君是以兩驥當前已擅九達之技一駒殿後
更空千里之羣詰嗣劍華觀察志勵熊丸氣凌鵬渤霓
裳翠管濃溥貢樹之香露冕

丹墀

詔配探花之宴時事正需才之日功庸多少壯之年列
宿初瑩方州卽進董仲舒正身率下張子高追捕無餘
厯牧萊夷累書薦牘刊銅章之印築繡斧之坊憑綠駢
之車倚金貂之座

彤毫疊注已符令子之衰白髮思劬猶作嬰兒之誨往
年就養反盡平牢此日含飴嫌仍避鮮而顧奉隆維約
行儉能施葛藟成衆葉之陰桑梓脫萬人之劫宜乎
恩齊一品羅單複於中官光照雙楹寫淋漓之

天語迴鸞有耀挽鹿無忘幼禮樂而長詩書聲聞中禁

靑草堂三集

卷九

三

左酒漿而右孫子錄介長生也茲者氣應瑠鐘期逢設
輓養堂在里若晉書之美虞潭下拜分行皆任昉之於
到洽獲瞻懿瑞因縷徽言卽麟圖之事業方張知燕喜
之熾昌未艾更羨百齡紀甲盈盈在二十年閒從看五
福頻申歲歲自

九重天上



